

# FORUM ONG TIMOR LESTE THE TIMOR LESTE NGO FORUM



Rua do Mercado Municipal, Dili -Timor Leste /Mobile Phone 77999304/77236782

Data : 16 Abril 2021

No. : 104 /F-ONG/ IV /2021

Assuntu : Kontribuisaun FONGTIL ba Alterasaun OJE 2021

Hato'o ba : Presidente Komisaun C Parlamentu Nasional


Ho Respeitu,

Liu-hosi oportunidade ida ne'e, Forum ONG Timor Leste (FONGTIL) ne'ebe nudár organizasaun sumbriña ba ONGs sira no nudár mós organizasaun sociedade sivil iha Timor-Leste uluk nana'in ho respeita tomak ami hakarak hato'o ami ninia Kumprimentus ba Presidente Komisaun C Parlamentu Nasional no membrus tomak.

Nudár organizasaun Sociedade Sivil iha Timor Leste, FONGTIL fó apresiasaun ba Komisaun C ne'ebe fo spasu ba FONGTIL atu kontribui ideias ba proposta alterasaun Lei OJE 2021.

Mak ne'e deit, ba Ita boot nia atensaun no kolaborasaun tomak ami hato'o obrigado ua'in.

Karik presiza detallu informasaun ruma bele konfirma via numeru telephone : 670 77999304 / + 670 77236782 & + 670 77242717.

  
**Daniel Santos do Carmo**  
Diretor Ezekutivu FONGTIL

# FORUM ONG TIMOR LESTE THE TIMOR LESTE NGO FORUM



Rua do Mercado Municipal, Díli, Timor-Leste. Mobile Phone: +670 77999304; 77236782.

Husi

**FONGTIL**

kona-ba

**Proposta Alterasaun Lei Nº 14/2020**

**Orsamentu Jerál Estadu ba 2021**

**16 Abril 2021**

FONGTIL apresia ba Presidente komisaun C parlamentu Nasional ne'ebe halao ita bo'ot sira nia papel nudar reprezentante povu iha situasaun klamidade. Maske situasaun defisil maibe'e sempre prontu atu hala'o debate no loke spasu ba FONGTIL nudar organizasaun sumrinha ba NGO Nasional no Internasional iha Timor-Leste.

FONGTIL hakarak sauda Governu Timor-Leste nia esforsu no servisu maka'as ba medida preventiva sira ba hakotu kontaminasaun surtu Covid-19 iha ita nia rain, no atu responde lalais ba dezastre naturais ne'ebé Timor-Leste foin hasoru.

Governu no Parlamentu presiza aserta ideia ida hodi hamosu planu akeduadu no garante sustentabilidade utiliza rekursu ekonómiku nudar uniku solusaun ba nesesidade ema nian no infraestrutura, maibe persiza tau pontu konsiderasaun nivel a'as hodi rejulta impaktu ba setór agrikultura no aihan siguru iha rai laran liu husi fornimentu bee moos, tau matan ba vitima inundasaun no populasaun vulneravel. Dezastre ne'ebe foin akontese iha dia 4-5 abril 2021 bele oferese referencia ba mak hola desizaun sira(Governu no Parlamentu) atu halo reflesaun klean no hamosu planu special ida ne'ebé mak bele hatuur lei base ordenamentu territorial nudar guia ba utiliza rai nian ho integradu inklui konsidera mós ba iha aspetu ambiente hodi hatur prioridade atu mitiga dezastre naturais liu-liu iha zona protejidu sira.

Situasaun agora maka governu persiza responde aihan ba familia sira nebe hetan dezastre hadiak konektividade Estrada, normaliza prosesu aprendijanen iha eskola, drainajen sira iha area urbana hodi garante normalizasaun roda ekonomia.

FONGTIL konsiente duni ho situasaun actual, Governu no Deputadu sira presiza hare fali proposta alterasaun ba Lei Nu 14/2020 kona ba OJE 2021. FONGTIL hanoin katak iha duni nesesidade ba governu atu halo retifikativu maibe FONGTIL fo hanoin atu orsamentu



refere responde ba prinsipu sira boa governasaun nian hodi garante alokasaun ho proporsional ba sectores hotu nune bele lori dezenvolvimentu ida ne'ebe sustentavel.

## **I. Alerasaun OGE 2021 Tenki Garante Programa Prevensaun no Mitigasaun COVID-19 no Inundasaun**

Timor-Leste infrenta Kalamidade Covid-19 no inundasaun iha ne'ebe lori sofrimentu bot tebes ba populasaun iha area urbana no area rural, ida ne'e persiza intervensaun mais rapida husi governante tanba maioria infrastrutura hetan estragus, Governu persiza hakbiit fali kondisaun ekonómiku hodi garantia povu hotu bele iha kondisaun ba sustenta moris.

Tempu ida ne'e, iha duni nesesidade atu insentiva ou fo subsidio ba populasaun, FONGTIL apoiu duni alterasaun ba OJE 2021 ne'ebé Governu hato'o ba Parlamentu antes infrenta dezastre siklone seroja tropis. Maibe FONGTIL preokupa proposta retifikasaun ba OJE 2021 ne'ebe sei utiliza dadus iha sistema Seguransa Sosiál ba apoiu subsidio.

FONGTIL rekomenda atu apoiu uma kain hotu iha Timor-Leste, maibe oinsa fo konsiderasaun ba familia sira ne'ebe hetan sofre liu husi dezastre iha dia 4-5 abril 2021. Atu prevene no mitiga dezaste iha futuru FONGTIL sugere atu:

- Dezenvolve programa konservasaun Be'e, konsidera importante atu governu bele investe tanba agora da-daun Timor-Leste infrenta hela menus Be'e ba konsumu iha tempu bailoron no sofre inundasaun iha tempu udan.
- Governu persiza aplika ona programa realokasaun comunidade iha Dili hodi Evita aumenta vitima ba dezastre naturais iha futuru.
- Governu persiza konsidera covid-19 hanesan oportunidade atu dezenvolve ekonomia rai laran.
- Normalizasaun konektividade Estrada sai prioridade tanba Estrada kuaze maioria hetan estraga.
- Tempu ona ba Governu liu-liu Ministerio Justica atu dudu leis komplementario sira hodi implementa pakote lei rejimi especial titularidade soim imoveis, espropriasaun ba utilidade publiku no lei baze ordenamentu territorial.

## **II. Persiza tetu Wainhira Halo Levantamentu Extraordináriu husi Fundu Petrolíferu**


Situasaun aktual iha nesesidade duni ba Governu tenke aumenta OJE 2021 atu finansia estragus sira ne'ebe rejulta husi inundasaun, inklui asegura seguransa ai-han. Nota katak iha primeiru alterasaun ba OJE 2021, Governu mensiona atu muda fundus husi programa balu, inklui alokasaun Fundu Infrastrutura nian ba Aeroportu no Projetu Tasi Mane, no alokasaun liu husi Dotasaun ba Governu Tomak ba viajen ba nasaun seluk, re aloka fali hodi finansia medidas bazeia ba situasaun aktual.

FONGTIL sujere atu maximiza utiliza apoiu sira ne'ebe mai husi parseru sira hodi finansia projetu no atividade urjente sira, no FONGTIL dezafia ministro no secertari Estado sira atu agresivu liu tan intermus koordinasaun interministeria no parseiru dezenvolvimentu sira atu

bele minimiza duplikasaun iha apoiu ba populasaun no hadi'ak infrastrutura.

Ho Esperanca FONGTIL optimista katak Parlamentu sei foti desizaun ne'ebe sertu no desizaun ne'ebé ho matenek hodi apoiu Guvernu nia medidas sira ne'ebe adekuaudu no justu ba povu hotu.

Ikus liu lori FONGTIL nia naran hatu'o Obrigado wain

  
Daniel Santos do Carmo  
Direktor FONGTIL

